

Amerika Syarikat Kekal Pelabur Utama Di Malaysia – PM Anwar

NEW YORK, 21 Sep – Datuk Seri Anwar Ibrahim memberitahu meskipun berlaku pertambahan pelaburan dari China, Amerika Syarikat kekal merupakan pelabur utama di Malaysia.

Perdana Menteri menjelaskan, hubungan baik dengan Amerika Syarikat telah sekian lama terjalin dan akan diteruskan.

Anwar berkata, perkara tersebut juga disentuh dalam satu pertemuan dengan Naib Presiden Amerika Syarikat, Kamala Harris di Jakarta pada Sidang Kemuncak ASEAN ke-43 baru-baru ini.

“China telah menjadi pemain utama dalam pelaburan tetapi seperti yang anda tahu biarpun terdapat peningkatan dari segi pelaburan dan perdagangan dengan China, Amerika Syarikat merupakan rakan tradisi.

“Jumlah pelaburan dari Amerika Syarikat ke Malaysia masih kekal nombor satu.

“Bukan hanya itu, kami memperolehi keuntungan dengan penglibatan syarikat-syarikat dari Amerika Syarikat yang melabur di Malaysia,” katanya.

Beliau berkata demikian menyampaikan ucapan tama “Regaining Malaysia’s Lead in Asia” di acara Invest Malaysia New York anjuran Bursa Malaysia di Hotel Sofitel, Midtown, New York pada Khamis.

Yang turut hadir Menteri Perdagangan, Pelaburan dan Industri Tengku Datuk Seri Zafrul Abdul Aziz serta Pengurus Bursa Malaysia Tan Sri Abdul Wahid Omar.



Perdana Menteri Datuk Seri Anwar Ibrahim menyampaikan ucapan tama “Regaining Malaysia’s Lead in Asia” di acara Invest Malaysia New York 2023 anjuran Bursa Malaysia di Hotel Sofitel, Midtown, New York, Amerika Syarikat. Foto Facebook Anwar Ibrahim